

# Malusi le Setshosa sa Bateng

Pale ka Leo Daly

Ditshwantsho ka Magriet Brink



Lentswe le leng le le leng le tla latela mona ke nnete. Ke a hlapanya nkeke ka bua leshano, haeba nka bua leshano, ke tla ja tshintshi!

Nna le kgaitsemi ya ka e moholo ho nna, Zandi, re rata ho bapalla tshimong. Re tilatila ho potoloha ka hara seretse mme re tjeke mekoti e tebileng.

Zandi yena o etsa hampe le ho feta nna. Nna ke silafatsa matsoho le maoto feela. Zandi yena o silafatsa ntho tsohle. O silafatsa moriri wa hae esitana le diphaka tsa hae. Ke re o silafatsa le nko ya hae.





Mme o re, “Lona ba babedi, ke nako ya ho hlapa!”

Empa Zandi ha a batle ho kena ka tlung. “Malusi,” o rialo ho nna, “Ke sala hona mona!”



Empa nna ke rata lekweba lane la metsi a sesepa. Ke ikutletsa ditshila tse maotong, ke ikutletse ke be ke ikutletse. Ho monate bo.

Jwale Zandi o a kena. “Malusi,” a rialo, “na ha o tshabe Setshosa sa ka Bateng?”

“Ha ho na ntho e bitswang Setshosa sa Bateng mona,” ka itshehela.

“Ehlile, se teng,” Zandi a rialo. “Se tswa se hlaha le lesobeng leno la metsi mme se na le matsoho a mararo le mahlo a mane. Mme ha ho ntho eo Setshosa sa Bateng se e ratang ho feta ho ja bana ba *hlwekileng*.”

Jwale ekare ke se ke qala ho tshoha hanyane. Mohlomong Setshosa sa Bateng se fela se le teng.

Zandi a bososela haholo a ntjhebile, “Ho lokile Malusi. Natefelwa ke ho hlapa!”

A tswa ka phaposing ya ho hlapela mme a leba betheng ho ya robala.

“O se ke wa tshaba, Malusi,” ka ipolella jwalo. “Ha ho na ntho e bitswang Setshosa sa Bateng mona.”





Yaba hang ho a etsahala! Ka qala ka ho utlwa modumo o tlase wa dipudulana. Jwale ke se ke utlwa modumo o phahameng o kang wa ho robaha ha ntho, o kang wa ho habola ntho le o reng hwalakahla.

Mme qetellong ha ba le ntho e thunyang ho ya hodimo e tswa lesobeng la bate: **SETSHOSA SA BATENG!**

Pele nka etsa eng kapa eng, Setshosa sa Bateng sa panya ka mahlo a sona a

maholo a mane mme sa re ka lentswe le tebileng, le tletseng metsi, “Ha o ditshila wena. Ke kgaitsemi ya hao e ditshila, akere? O dula a bua ntho tse mpe ka nna kamehla – mme ha se nnete. Ha ho Ditshosa tsa Bateng tse ratang ho ja bana.”

“Ha o je bana?” Ka rialo, letswalo le itse kokololo.

“Hohang,” Setshosa sa Bateng sa tsheha. “Le Setshosa sa Ntlwana le Setshosa sa Shawareng le tsona ha di rate ho ja bana, di ja ba ditshila feela, ba fetelang betheng ho ya robala ba sa itlhatswa!”

Jowe! Zandi yena!



“Ha re se ke ra senya nako,” ho rialo Setshosa sa Bateng. “Ekga metsi ka galase mme o mathe kapele kamoo o ka kgonang ho ya kamoreng ya Zandi.”

Ka fihla moo hantle ka nako – Setshosa sa Betheng se se se tlo kwenya Zandi. “Tsamaya, wena setshosa!” ka hoeletsa. Yaba ke hasa metsi ao hohle hodima kgaitsemi ya ka.



Ke nnete. Ke pholositse Zandi ho Setshosa sa Betheng! Mme sena ke seo ke se bolellang Mme wa ka ha a mpotsa hore ke hobaneng ke tshetse kgaitsemi ya ka ka metsi a tletseng galaseng. Ha ke tsebe le haeba o a nkgolwa. Empa lentšwe le leng le le leng la seo ke se buang ke nnete. Ke hlapanya ka Bakwena ba ntswetse hore haeba ke bua leshano, ke tla ja tshintshi!

## IQAPELE!

Toroya setshwantsho sa Zandi a le ditshila haholo a bile a tshohile. Toroya setshosa se tshabehang se eme haufi le yena. Toroya sebudulwana sa ditaba bakeng sa setshosa.



# Malusi le Setshosa sa Bateng

Pale ka Leo Daly • Ditshwantsho ka Magriet Brink



## Setshwantsho

Toroya setshwantsho sa kamoo o neng o ka shebahala kateng haeba o ne o ile wa bapalla seretseng le Zandi le Malusi.



## Ho bala

Nahana ka se etsahetseng paleng ebe o araba dipotso tsena. Sheba dintlha tsa pale ho o thusa.

- ★ Na o nahana hore Zandi o dumela ho Setshosa sa Bateng?
- ★ O nahana hore o ile a reng ho Malusi ha a mo tshela ka kgalase ya metsi?
- ★ Na o nahana hore mme wa Malusi o ile a mo kgotla ha a hlalosa hore na ke hobaneng ha a mo tshetse ka metsi?




## Ho ngola

Etsa setshwantsho sa Setshosa sa Betheng. Toroya setshwantsho sa kamoo se shebahalang kateng ebe o hlalosa kamoo se shebahalang kateng, modumo wa sona le moo se dulang teng, e le hore haeba leha e le mang a se bona, a tsebe ho se lemoha hanghang!

## Mosebetsi wa matsoho

O nahana hore Setshosa sa Ntlwana le Setshosa sa Shawareng di shebahala jwang? Sebedisa dintho tse ka sebediswang hape jwalo ka mabokose a mahe, dikwahelo tsa dibotlolo, mabokose a khatheboti, dirolo tsa pampiri ya ntlwana, dirolo tsa dithaole tsa pampiri hammoho le sekgomaretsi, pente le pampiri bakeng sa ho etsa Setshosa sa Ntlwana le Setshosa sa Shawareng.



## Tshebetso

Pheta pale e tshehisang ka sesepa se thellang le ho hlatswa.

